

民國文獻資料叢編

近代學報
彙刊



殷夢霞 李強 選編



國家圖書館出版社



殷夢霞、李強 選編

近代學報彙刊

第四十冊

國家圖書館出版社

第四十冊目錄

紹興醫藥學報	第四十七、四十八期合刊	一九一五年九月……………	一
紹興醫藥學報	第四十九期	一九一五年十月……………	一三三
紹興醫藥學報	第五十期	一九一五年十一月……………	一九三
紹興醫藥學報	第五十一、五十二期合刊	一九一五年十二月……………	二六九
紹興醫藥學報	第五十三期	一九一六年一月……………	四〇一
紹興醫藥學報	第五十四期	一九一六年二月……………	四七七
紹興醫藥學報	第五十五期	一九一六年三月……………	五六一

版出日一月九年四國民

刊合期兩八十四七十四第

紹興醫藥學報

行發會分興紹會藥醫州神

錄目之期本

論文●新編醫學講義之商榷

●(何騰臣)論服五虎湯之

害●(王以鈞)治喉宜通關

鍵論●●(周小農)問半身

不遂昔人或主風或主火或

主痰立論各異試推原病本

並擬其方●●(周小農

學說●虛損●●論治●●(王

香巖)天王補心丸考釋●●

(王以鈞)通俗內科學三●●

(張若霞)應驗良方●●(胡

澹齋)規定藥品之商榷三●●

●●(曹炳章)

雜著●伯畢按語二●●(周伯

畢)調查事件△紹興之醫

俗三●●(裘吉生)醫界新

智識二●●一曹炳章一

醫案●退虛醫案△皮膚侵蝕

△脈蒸△吐血氣虛●●(陳

心田)

醫藥界近聞●中華醫藥聯合

會○金華疫氣之流行○取

絳肉鋪○夏令衛生之簡示

附件●神州醫藥總會章程

古籍選刊●醫病書完●●

(淮陰吳翰通原著何廉臣

校勘)附面頁條拆用

紀事●杭州醫藥學會之提攜

●評議部評議員之姓氏●

執行部各職員之姓氏

中華民國四年九月出版

每册大洋二角
〔醫醫病書〕

版權所有

原著者 淮陰吳鞠通

校勘者 越醫何廉臣

發行者 紹興醫藥學報社

印刷者 紹興印刷局

寄售處各省各大書坊

武

廉
心

文

人 丹

定 價

玻璃二角 中包一角 小包五分

大包五角 附贈賽金推
移銅盒一只

大大包一元 附贈賽金彈
簧銅盒一只



總經理

上海三馬路中法大藥房

各埠中法大藥房各藥

房各洋廣貨號

均有出售

人丹人人可服人人宜服故名人丹

人丹有病治病無病養身能使人人為
健全之身體故名人丹

人丹為中國所製凡中國人之有愛國
心者宜服人丹不忘已身為中國人故

名人丹

人丹人丹竊願中國人顧名思義人人
永永為中國人故名人丹

人丹能祛風寒去暑濕開胃消食平肝
順氣故男婦宜服

人丹能治四時不正之氣辟疫癘止洩
瀉定嘔噦故四時宜服

人丹能辟山嵐瘴氣避道途臭穢故旅
行之人宜服

人丹於茶餘酒後服之滿口生津甘留
舌本且香氣襲人勝服砂仁豆蔻故每

日宜服

公編醫學講義之商榷

何廉臣

欲保存中醫國粹必先辦中醫學校欲辦中醫學校必先編醫學講義欲編醫學講義必先定編輯大意但茲事體大斷非少數人腦力心神所能猝就況以中國之大南北之分天時地氣人質習慣在在相同往往同一病同一時而治各不同皆能收效者地勢使然也由是推之非集全國醫才互相討論同心一致力謀進行恐不足以爭存於中西激戰之世以愚所見總會先設醫書編輯社各省各縣分會組立醫書編輯分社在上海先開特別大會公舉一總編輯各處分會公推分編輯數人舉定後先由總編輯發表編輯大意與各處分編輯一再商榷衆見皆同然後規定權限統一體例羣策羣力分擔職務編成一籍首先呈請教育部審定果能照准可爲將來學校之基本由是而續編各科講義俟編齊後統呈教育部鑒定並請頒行全國俾後學有所遵循似此辦法庶各個人之心思才力不致浪擲於虛牝卽中醫學之價值繼長增高足與西醫學並行不悖廉臣不揣冒昧敢以一得之見貢獻

公編醫學講義之商榷

十四

於海內諸同志是否有當。還乞各陳高見。各抒偉論。俾便總會及各分會採擇實行。試爲之略陳其要。

一、酌定編輯體例也。吾國自有醫學以來。已四千餘載矣。自素靈以逮千金外臺。皆集上古中古醫學之大成。除僞託傳訛外。而名言良法。美不勝收。惜無人焉爲之提其要。鈎其元。以總其成。今分生理、衛生、病理、診斷、療法、辨藥、製方等七篇。每篇分總論、各論兩章。每章又分第一節、第二節等。以清界限。雖斷章取義而分篇纂述。庶幾系統昭然。秩序井然。新定其名曰中華國粹醫學。援爲後學師範。爲學醫入門必讀之書。不論習何種醫科。必以此爲醫學之基礎。至於宋金元明清五朝名賢。臚舉書籍尤繁。今分各科編輯。作爲專科之講義。每科分總論、各論兩篇。總論則通論專科各種之病理。各論則分論專門病症。每病分病源、症候、診斷、療法、制方、衛生六類。必須刪繁就簡。適合教科之規程。

二、審定古今醫籍也。中國醫籍汗牛充棟。不先審定。何以折衷。蒙以爲神農本草經、黃

帝內經。扁鵲難經。仲景金匱玉函經。華陀中藏經。皇甫謐甲乙經。王叔和脈經。師
 巫顓顓經等。中多古醫學粹。去其僞。存其真。扶八經之精義。闡國醫之粹言。次以
 葛氏肘後備急方。褚氏遺書。曾氏產寶。巢氏病源候論。孫氏千金要方。王氏外臺
 秘要。陶氏名醫別錄。雷公炮炙論。蘇氏唐本草。甄權藥性本草。陳氏本草拾遺。徐
 氏藥對等籍。以補其不足。此爲國粹醫學編述之書。迄宋聖濟衆錄。和劑局方。太
 平聖惠方。及小兒衛生總微論。錢氏兒科直訣等出。皆集宋以前醫學之大成。河
 間六書。儒門事親。東垣十書。丹溪四種。皆集金元醫學之大成。王氏六科準繩。李
 氏本草綱目。徐氏古今醫統。楊氏針灸大全。萬氏兒科全書。孫氏赤水元珠。圖書
 集成醫部全錄。皆集明以前醫學之大成。醫宗金鑑。趙氏綱目拾遺。外科證治全
 書。喉科證治全書。皆集清以前醫學之大成。補以喻氏嘉言。張氏路玉。顧氏松園。
 王氏晉三。葉氏香巖。徐氏靈胎。尤氏在涇。吳氏鞠通。王氏孟英。沈氏堯峰。王氏清
 任。林氏佩琴。石氏芾南等籍。匡其不逮。此爲各科講義參用之書。惟學識雖富。宗

公編醫學講義之商榷

十六

舊而體例必須從新。庶可按科教授。得以規定期間。以爲畢業年限之預算。

三、規定各種科目也。昔元代分十三科。繁間適宜。今倣其例而損益之。一曰內科學、

講義。二曰婦科學、講義。三曰產科學、講義。四曰兒科學、講義。五曰外科學、講義。六

曰傷科學、講義。七曰針灸科學、講義。八曰眼科學、講義。九曰口齒咽喉科學、講義。

十曰療法學、講義。十一曰診斷學、講義。十二曰藥物學、講義。十三曰制方學、講義。

擷具英華。刪其繁蕪。學說貴精。文字貴簡。總期約而能賅。切於實用而已。如有不

備之處。則採新醫學以補苴之。庶幾今古咸宜。

四、選定歷代驗案也。醫書守其經。醫案達其權。活法注中多活法。奇方方外有奇方。

惟歷代名醫驗案。足以當之。正續名醫類案。固集古今驗案之大成。而古今醫案。

按挾擇尤嚴。按語亦多。所發明洵足增長學識。啓發靈機。他如張顧葉薛徐尤吳。

王諸大名。家亦多驗案。可選陸氏再續名醫類案良法佳方。多多益善。今擇各種

醫案。從新約選彙編成籍。每案加以按語。以期發明完善。

以上四條。不過舉其大要而言。廉臣自問才疏學淺。芻蕘之獻。未知恰當與否。斷不敢以自信者。希冀共信。但處今學術競爭之時代。彼則着着爭先。我則步步退後。如猶心忒。覩自暴自棄。因循復因循。蹉跎復蹉跎。深恐一二十年後。我國之醫治權。盡爲外人所攘奪。卽不爲外人所盡奪。亦必爲心醉西醫者所傾圮。况取締醫生。贛省業已實行。尙可苟安旦夕。長此終古。而有倖免取消之私心也哉。嗚呼。同志諸君。若不急起直追。砥柱中流。不爲國粹存亡計。獨不爲利權損失計乎。卽不爲大局攸關計。獨不爲個人營業計乎。一髮千鈞。在此一舉。時哉不可失。深願諸同志協力而共圖之。

震按今之中醫藥界。爲何如之醫藥界乎。非中外競爭優勝劣敗之時代乎。東西國醫學家刺激於前。學東西醫國人詆排於後。不曰中醫無基礎醫學。卽曰中醫少折衷理論。不曰中醫無系統。無秩序。卽曰中醫多神話。多謬言。不曰中醫人自爲學家。自爲教。卽曰中醫無一定講義。無學堂教授。往往摘中醫學一二短處。少

公編醫學講義之商榷

十八

數缺點。即引爲冷嘲熱罵之資料。實則彼等於中醫學未嘗精研。不過各是其是。各道其道而已。幸總會同志諸君。發憤興起。號召全國醫藥界。上書政府。保存中醫中藥。而中醫藥界應如何步步爭先。事事實行。庶幾不墜初心。今聞上海一隅之地。既設立神州醫藥總會。復創辦中華醫藥聯合會。各樹一幟。意氣相爭。不尙學術。噫。同舟遇風。患難相共。存則俱存。亡則俱亡。當今危乎其殆之際。豈猶可二三其見。而不合羣力以爭存哉。況上海名醫林立。濟濟多才。苟能去其私見。以謀統一之機關。徵求全國醫才。彙編各科講義。分辦中醫學校。與東西醫學術競爭。庶幾中醫之國粹可保。醫藥之利權可挽。前見同社裘君吉生。教授學生。自編講義。自素靈以至百家。無不提要鉤元。去冗取粹。而分解剖、生理、病理、診斷、辨藥、製方、看護、衛生諸篇。採及新說。其體例卽分章別節。綱舉目張。竊以個人之力。但有心爲之者。已足維持絕學。而今讀何君廉臣之商榷書。請集全國之力而爲之。則事半功倍。入手更易。是則震晨夕。希望我醫藥界之實行也。

胡震書後

論服五虎湯之害

王以鈞

近世俗子。稍有感觸。即取蘇、荷、荆、防。又加之以羌活。而服之。曰五虎湯。查五虎湯。不知始於何代。考之古今方書。迄未載。是說者以爲出於市井輩之無知妄作。語頗近理。蓋其方無君臣。無分數。紛拏雜糅。如治亂絲。稍知藥性之人。均相戒。莫敢嘗試。自非輕生重利輩。不能服。亦非冒險夜行。無所還忌之徒。斷不至率爾而予人也。然其中蘇、荷二味。人所常服。甚者或取之代茗。亦毋庸深辨。至荆、防。則已有宜有不宜。若羌活一物。辛溫燥烈。劫陰動火。用之稍不得當。其人咽以後。變症百出。乃害人非淺之尤者。古本草言其性之雄。過乎獨活。故其主治。及歷代名醫所用。非風寒溼痺。則水氣浸淫。然亦必兼清涼潤澤之品而製之者。吳遵程謂血虛頭痛。深在禁例。而薛步雲又曰。誤用取汗。即犯仲師火劫之戒。未有一遇感冒。不問其症之誰何。即投此物。甚至於風溫燥暑而不顧者也。故劇者雖論矣。而微者數服以後。有病岫者。患喉閉者。四肢拘急而現變症之狀者。痞滿煩逆而苦胃實便難下者。其耳聾目赤。

論服五虎湯之害

二十

大渴大汗。猶事之小者。無足數焉耳。夫敗毒散之用此物。陰虛火盛之人。往往服之。致生他變。今乃無論何疾。任意妄投。安有不召助桀爲虐。如火益熱之禍者。景岳之製玉女煎也。選藥命方。一出於柔潤。而修園陳氏。猶譏其應玉女來迎之兆。今取剛燥激烈之物。而又佐以辛溫諸品。并加之以猙獰狼厲之目。此真蘇氏之所謂毒藥。猛獸。未有不裂肝碎首者。宜其覆杯以後。支節橫生。卒遭五虎分屍之慘歟。

治喉宜通關鍵論

周小農

前清以來。咽喉之症。偏於熱症爲多。昧者不知。表邪易於化火。妄投溫升之劑。遺誤實多。夫表邪。標也。火熾。本也。儻表邪未解。必早凜寒。清散透達。亦符火鬱發之之旨。設清滋抑遏。毒必內竄。鼻煽喘促。邪陷於肺矣。於未甚之時。開其閉結。痧達氣平。喉關亦鬆。以喉主天氣。肺喜清肅。此關鍵在於（肺）。痰火凝結。惡心欲嘔。清滋酸收。樞機否塞。宣氣消降。如通郵傳。經謂九竅不和。皆屬胃病。此關鍵在於（胃）。痰熱阻塞。血因之瘀。清血活血。乃是正治。矧溫爲陽邪。現於諸陽之位。有頸現紅色者。毒歸於

心昏譫並作矣。清營解毒。刻不容緩。此關鍵在於（營血）。挾食滯者。小孩爲多。暖氣撐脹。便悶痛悶。食停火鬱。濕阻熱蒸。喉關易爛。其證宜通。便解濁降。火熄痧透。喉爛陡愈者。實驗已多。古謂咽主地氣。病由口腹。以通地道爲要。此關鍵在（大腸）。正氣虧者。脈軟無神。陰液涸者。舌絳且光。辛散劫痰。所在宜慎。正不勝邪。脫陷宜防。此關鍵在（氣液）。婦女經來忽止。喉恙忽劇。宜通畜血。產後惡露不通。喉證甚急。急宜通其瘀。此關鍵在於（畜血）。孽子寡居。鬱火並盛。涼潤宜通。兼籌爲佳。此關鍵在於（肝鬱）。也。綜是數者。得治則牛。違反以療。必致危殆。閱歷所及。隱痼已久。不揣荒疏。述其扼要。如此。經云治病必求其本。識者慎思。明辨臨証。自不眩惑也已。

問半身不遂

昔人或主風或主火或主痰立論各異試推原病本

並擬其方

周小農

半身不遂。上古以爲中風。劉河間以爲將息失宜。水不制火。丹溪以爲濕盛生痰。痰走經絡。立論各異。試詳述之。考中風一門。金匱以候氏黑散補虛以熄風。風引湯清熱以除風。明乎此証邪害空竅。由於內因也。迨千金方出。始以小續命湯治此症。西